

**19 SEPTEMBRIE
RUGĂCIUNEA
SF.PREOT-MUCENIC
CONSTANTIN GOLUBEV DE LA BOGOROD**

Месяца сентября в 19-й день

**Молитва Священномученика Константина,
пресвитера Богородскаго**

О, избранный угодниче Христов, отче богомудре Константине, Церкви Русския столпе непоколебимый, земли Богородския похвало, паствы твоея предстателю и наставниче!

Ты, от юности в благовестии слова Божия подвизаяся, многия души от заблуждения и раскола во ограду Церкви возвратил еси. Егда же призва тя Господь на служение пастырское, добрый делатель вертограда Божия явился еси: сопастыри в благочестии укрепляя, юныя в вере и доброделании наставляя, мучимыя страстию пианства от пути погибельнаго отвращая и о всех людех пред Престолом Божиим теплыя молитвы вознося.

Во время же гонения безбожнаго образ мужественнаго и кроткаго стояния за веру явил еси и, еще жив сый, в землю погребен был еси и, лютую смерть прием, в первых новомученицех просиял еси.

Ныне же, мы, недостойнии, к честней и многоцелебней раце святых мощей твоих благоговейно припадающе, с любовью вопием ти: помози пастырем правило веры благочестне содержать, болящия и немощныя уврачуй, печальныя утеши, гонимыя защити, юныя настави, всем же благосердый отец и теплый молитвенник явися.

О, святче Божий! Умоли Господа Бога, да соблюдается в вере Православней отечество наше и в нем достойно и праведно прославляется имя Пресвятыя Троицы, Отца и Сына и Святаго Духа во веки веков. **Аминь.**

[Священный Синод на заседании 16-17 июля 2020 года (журнал № 34) утвердил к общецерковному богослужебному употреблению текст службы священномученику Константину Богородскому]

